





Vuê si festegje **la zornade de lenghe mari**, e propite îr di sere il vuestri Ostîr al è stât ospit de Sociedad Friulana di Buenos Aires che ogni sabide e met adun une iniziative bielnone: **discorint par furlan**. Ven a stâi une maniere par fâ sintî a siei arlêfs a fevelâ par furlan, ancje se tancj a àn tacâs di zero, e dome di pôc a studiâ la marilenghe.


E insome... e je stade **une esperience une vore biele e divertente e si à fevelât di tantis robis** e no dome di libris e scritture, come che magari al jere programât tal imprim. E je stade une biele maniere par viodi e cognossi plui di cualchidun dai nestri ultins **contecurtârs**, come **Lenart Gjavedon, Cecilia Liva, Cristina Degli Uomini, Zorz Cesaratto** o pûr un contecurtâr di viere date come il nestri Eduart Baschera, che al è ancje chel che al à tirât i fii de serade.





O vin scuvierit cuale che e je **la colonie furlane plui antighe de Argentine** (che no je, par un mê, Colonia Caroja) e o vin discuvierit i tancj progjets che a àn metût adun là vie e ancje chei che a podaressin fâ. E soledut al è stât **une vore biel sintî a fevelâ furlan cuntun acent argjentin**. E cun di plui, e je stade ancje la occasione par saludâ Carlos, il cusin argjentin dal Ostîr, che a disin che adiriture i somei un pôc ma no je vere. □

E o vin cognossût la mestre di Juan Musso, e cjalât i cartei par la Udinese comprendûtchel cui argjentins al Stadio Friuli. O vin sintude la liste di peraulis no tant par la cuâl di Marcelo che al à scuvierit di jessi un menebigui, tal sens bon de peraule (ma ancje un starloc, eh). E par lâ a mostrâ cemût cjatâ lis contis par fruts su la Osterie e je lade a finî che a àn discuvierit che o vin ancje lis contis erotichis. E insome... **e je stade pardabon une serade une vore partecipade e soledut divertente**.



E dopo ce? Nuie... vait pûr a viodi, se a vês voie di recuperâ la serade, cualchi fruçon des dôs oris di conversacion di îr di sere che **o cjatais achì sul fb de Sociedad: Discorint par furlan - Rafaël Serafin**